



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliae Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

78. An mulieri peccanti cum Religioso Sacerdote satis sit dicere se  
commisisse sacrilegium cum Sacerdote, vel initiato Sacris Ordinibus? Et  
an Religiosus Sacerdos, quando se accusat in confessione in ...

---

[urn:nbn:de:hbz:466:1-76393](https://nbn-resolving.org/urn:nbn:de:hbz:466:1-76393)

fapientiffimus Onie Jo in p. 2. D. Thome. tr. 6. contr. 5. p. 10. n. 70. Vnde in summa Llamas inuenitur expuncta talis opinio iussu noſtræ Sanctæ Inquisitionis Hispanicæ, in Indice expurgatorio edito anno 1632. à Cardinali Antonio Zappata littera H. fecundæ Classis. Et ideo non approbo id, quod asserit nouiffimè Tamburinus in *Method. expedit. Confess. l. 2. c. 5. §. 10. n. 66.* vbi sic ait: si tu tuis manibus polluas vxoratum, vel Sacerdotē, &c. debes id explicare; quia cooperaris ad adulterium, vel sacrilegium; at si te suis manibus alius polluat, parum refert pro tuo peccato contra Castitatem, quòd ille fuerit vir, vel foemina, vel Sacerdos; tunc enim (si aliud non additur) se habent illæ manus, vt merum instrumentum; & solum adest cooperatio cum alterius te polluentis peccato. Ita ille, qui sentit cum Llamas, scilicet culpam patientem pollutionem ab aliquo in Sacris constituto, non tenet amplius dicere, nisi passus sum voluntariè pollutionem tactibus alienis, & non teneri explicare circumstantiam personæ sacræ. Sed hanc sententiam, vt diximus, delevit ex Llamas index expurgatorius. Rectè itaque Trullench in *Decal. tom. 2. lib. 6. c. 1. dub. 8. §. 1. n. 2.* sic ait: Hinc fit quando mollities committitur tactibus Professi, aut in Sacris constituti, esse id in confessione aperiendum, vt bene existimat Diana *tr. 1. de circumstantiis, res. 53.* contra Llamas *summa part. 3. cap. 8. §. 16.* Ita Trullench, & iterum ego. Vnde caute legendi sunt Tamburinus, Gesualdus, Graffius, Mosciensis, & Caramuel; & caueant in posterum Auctores hanc sententiam in suis Operibus amplius imprimere.

Quæ hic est Resol. antecedens.

## RESOL. LXXVIII.

An mulieri peccanti cum Religioso Sacerdote satis sit dicere se commississe sacrilegium cum Sacerdote, vel initiato sacris Ordinibus?

Et an Religiosus Sacerdos, quando se accusat in confessione in simili casu non teneatur dicere se esse Religiosum Sacerdotem, sed sufficit dicere se esse Religiosum, vel Sacerdotem, aut sacris Ordinibus initiatum, &c. Ex part. 1. tr. 7. Ref. 3.

Sup. hoc sup. §. 1. Negatiuè respondet Sotus in 4. dist. 18. q. 2. art. 3. & de iust. lib. 2. q. 8. art. 5. ad 1. Coninch de Sac. disp. 20. dub. 3. n. 131. Ledclina in sum. to. 1. de penit. cap. 19. de circumstantia personæ. dub. 2. Zanardus in direct. Theol. part. 1. tract. de penit. c. 18. Petrus Fay in addit. ad 3. part. quest. 9. art. 2. disp. 7. ad 3. & alij: quia votum solenne castitatis à Religioso emissum, alterius speciei est à specie voti Sacerdotis, in Ordine suscepto.

2. Sed ego contrarium asserendum esse censeo: & ita docet Pirigianus in 4. serm. tom. 2. dist. 16. q. vnica, artic. 5. Henriquez lib. 5. de penit. c. 5. n. 6. in Gloss. lit. G. Sanchez de matr. lib. 7. disp. 27. n. 27. & nouiffimè Villalobos in sum. tom. 1. tra. 9. cap. 37. n. 13. vbi ita asserit: *El Sacerdote professo en el pecado de la carne satisfage con decir, que es professo, ò que es Sacerdote. El fundamento desta sentencia es, que el Sacerdote no tiene obligacion à la castidad, mas que la del voto solenne, que assi se incluye, y assi el voto del Sacerdote, y el del Religioso no hazen diferente especie, si no solo es reiterar el voto, como el que hizo tres, ò quatro vezes voto de ayunar los viernes: que si le quebrase, no haze mas que vn pecado: que es como el que hizo muchas escrituras de obligacion para pagar vna deuda, que no por esso queda obligado à pagar mas.* Ita ille, qui etiam citat Medinam, Azorium, & Rodriguez. Et hanc sententiam probabilè vocat Ioann. de la Cruz in *director. conf. part. 1.*

precept. 6. art. 6. dub. 8. conclus. 3. & Lessius lib. 4. c. 3. dub. 1. n. 87.

3. Dicendum est igitur; penitentem acculantem se de copula, satisfacere dicendo in confessione, se habuisse copulam cum Sacerdote; & non tenetur dicere, illum Sacerdotem fuisse Religiosum. Ita Religiosus Sacerdos, quando se acculat in Confessione, non tenetur dicere, se esse Religiosum Sacerdotem; sed sufficit dicere, se esse Religiosum, vel Sacerdotem, aut sacris Ordinibus initiatum, &c. Et hanc sententiam etiam probabilè vocat Fagundez de *Precept. Eccles. tract. 2. lib. 4. cap. 3. num. 4. in fin.* Vide super hac materia *terciam meam Partem, Ref. 67. Tract. 4. de Sacrament.*

## RESOL. LXXIX.

An mulier habens rem cum Nouitio, vel solutus cum Nouitia Religiosa teneatur aperire hanc circumstantiam?

Et quid, si mulier haberet rem cum Clerico minorum Ordinum? Ex part. 1. tract. 7. Ref. 7.

§. 1. Affirmatiuè respondet Llamas in *summa, p. 3. c. 8. §. 14.*

Sed mihi placet contraria sententia, quam docet noster Megala in 1. part. lib. 5. cap. 11. num. 7. quia, cum hæc circumstantia sit tantum aggravans, non est in Confessione aperienda. Quæ doctrina magis procedit, si mulier haberet rem cum Clerico minorum Ordinum: quia talis circumstantia non ita notabiliter aggravat malitiam luxurie. Et ita docet Llamas *vbi supra.*

## RESOL. LXXX.

An si quis fornicaretur, gestando aliquod frustulum Reliquiæ Sanctæ Crucis clauorum, vel spinae coronæ, aut Hostiæ consecratæ, occultè, debeat necessariò hanc circumstantiam in Confessione explicare? Et quid gestando Reliquias Sanctorum, vel Agnæ benedictum?

Idem est, quando non solum quis cum complice peccat, sed etiam cum polluerit se ipsim.

Et idem est, si Parochus, dum iuret cum sacro oleo ad ministrandum Sacramentum Extreme Vitionis, in itinere cum illo rem haberet cum muliere. Ex part. 1. tract. 8. & Misc. 8. Refol. 58.

§. 1. Olim docui fornicantem gestando Reliquias, vel Agnæ benedictum non esse strictum hanc circumstantiam explicare, & ita me citato cum Sanchez, Fagundez, Lugo, Fillucio, Trullench, Bonacina, & aliis tenet Leander de *Sacram. tom. 1. tractat. 5. disput. 8. quest. 1. 5.* quia constantè tantum se habent ad actum venerem, sicut ad quoduis aliud peccatum. Verùm hanc opinionem ego non audeam extendere ad fornicantem, & gestantem Reliquias Sanctæ Crucis, clauorum, vel spinæ coronæ propter contactum physicum Corporis Domini nostri Iesu Christi, vnde ex hoc ab Ecclesia coluntur adoratione.

2. Et idem puto si aliquis ex iusta causa gestat Sacramentum Eucharistiæ occultat, & cum illa fornicaretur, vnde ad elucidationem omnium si prædictorum, non deterram hic apponere verba Patris Dicastilli, qui de *Sacrament. tomo secundo, tractat. 8. disputat. 9. dub. 8. num. 718.* sic ait: Dubitare quis posset circa hanc circumstantiam, quomodo id de quo agit Sanchez lib. 2. *moral. cap. 40. num. 28.* & ante ipsum Azor. & alij